

ԿՐՕՆԱԳԻՏԱԿԱՆ

**Տ. ԲԱԳՐԱՏ ԵՊԻՍԿՈՊՈՍ ԳԱՍՏԱՆՅԱՆԻ ՔԱՐՈԶԸ՝
ԽՈՍՎԱԾ Ս. ԷԶՄԻԱԾՆԻ ՄԱՅՐ ՏԱՃԱՐՈՒՄ
ԱՆԱՌԱԿԻ ԿԻՐԱԿԻՆՆ ՄԱՏՈՒՅՎԱԾ Ս. ՊԱՏԱՐԱԳԻՆ**
(01 մարտի, 2015 թ.)

Յանուն Տօր և Որդոյ և Տոգոյն Սրբոյ. ամէն:

«Տայր, մեղայ՛ յերկինս և առաջի քո»
(Ղուկ. ԺԵ. 18):

Դեպի Սուրբ Նարոյան խորհուրդ մեր ճամփորդության երրորդ հանգրվանն է սա, երրորդ կիրակին, երբ առերեսվում ենք ինքներս մեր նկարագրի էությանը և խորքերին: Քառասնօրյա մեր ողջ ընթացքը, խորհրդածության ու խոկման, աղոթքի և ապաշխարության իր հանգրվաններով, պարկերագիրն է մարդու ճամփորդության՝ սկսած Ասարծո իրական մտերմության մեջ ապրելու պարմությունից՝ ինքնաարտաբայում, վերադարձ, փնտրելու իրականություն, դադարվոր լինելու ճշմարտություն... մինչև Սուրբ Նարոյան՝ մարդու հաղթանակը մեղքի ու մահվան նկատմամբ: Երրորդ կիրակին սահմանված է բնութագրված է որպես «Անառակ», «Կորուսյալ որդու» կամ «Վերադարձի» կիրակի:

Եկեղեցական նշանավոր հայր Նովիան Ոսկեբերանը, խոսելով այս առակի մասին, նկատում է, որ «այս փոքրիկ պարմությունն իսկ բավարար է՝ Ասարծո էությունն ու մարդու նկարագիրը ցույց տալու և նկարագրելու համար»: Ըստ էության, մեր Տերն առակը պարմում է մեղսագործ մարդկանց, այդ օրերի իշխաններին ու հասարակության փարբեր շերտերի ներկայացուցիչներին, որոնք իրենք իրենց արդար էին համարում, սակայն ավերարանից չի մոռանում խոսել նաև նրանց մեղսավորության մասին: Առակը մի ընթանիքի, հասարակական կարգի մասին է, որտեղ կրթված որդին հորից, դեռևս նրա կենդանության օրոք, իր բաժինն է պահանջում. «Տայր, փո՛ր քո ունեցվածքից ինձ ընկնող բաժինը» (Ղուկ. ԺԵ. 11): Տայրը փալիս է նրա բաժինը, որդին գնում է, հեռանում իր բնակավայրից, Տօր և ընթանիքի ջերմությունից, խնամքից ու ապահովությունից՝ ընթերցելով այն կյանքը, որին ձգվում էր և փնտրում: Սակայն որոշ ժամանակ

անց մսխում է իր հարստությունը եւ, ի վերջո, հայտնվելով անելանելի վիճակում, հասկանում է. «Վերադարձ... վերադառնամ հայրական օջախ, այլ կերպ չեմ կարող քավել իմ մեղքը, քան վերադառնալ եւ ասել. «Նա՛յր մեղանչեցի երկնքի դեմ ու քո առաջ եւ այլեւս արժանի չեմ քո որդին կոչվելու, ինձ վերցրո՛ւ իբրեւ քո աշխատավորներից մեկը» (հմմտ. Ղուկ. ԺԵ. 18-19): Նայրը, սակայն, ընդառաջ է գնում՝ չապաստելով, որ որդին մոտենա իրեն, գրկում է նրան, հայրական ջերմություն ու գուրգուրանք ցույց տալով տարիներով բացակայող որդուն՝ ասելով. «Մեռած էիր ու կենդանացար, կորած էիր եւ գտնվեցիր» (հմմտ. Ղուկ. ԺԵ. 24): Նայրը շարունակ կրկնում էր այդ խոսքերը. նա խնջույք էր կազմակերպել, մորթել էր պարարտ եզր, լավագույն պարմունքներ էր հագցրել իր զավակին, իշխանության մատանին էր դրել մատին, ուրախությունից ցնծում էր ողջ ընտանիքը: Այդ ընտանիքի ավագ որդին, երբ վերադարձավ աշխատանքից, չկարողացավ ընդունել, ընկալել այդ իրականությունը եւ ներքին ընդոտություն, տվալարանք ապրեց, եւ հարցեր առաջացան, թե ինչպե՛ս կարող է փառաբանվել մեկը, որը ոչ միայն ունեցվածքն էր վաւրնել, այլեւ խաթարել էր ողջ ընտանիքի անդորրն ու հանգիստը: Սակայն հայրը նրան խաղաղեցրեց՝ կրկնելով նույն խոսքերը. «...պէտք էր ուրախ լինել եւ ցնծալ, որովհետեւ քո այս եղբայրը մեռած էր եւ կենդանացավ, կորած էր եւ գտնվեց» (Ղուկ. ԺԵ. 32):

Զգիտենք, թե ինչ ընթացք են ստանում հոր ու եղբայրների հարաբերությունները, առական չի խոսվում նաեւ մոր ներկայության մասին: Չենք տեսնում ընտանիքի հետագա կյանքը, թե ինչպե՛ս էին նրանք ապրում: Արդյո՞ք ավագ որդին ներքին ընդվզումների պատճառով լքեց հայրական տունը, իսկ կրտսեր որդին չշարունակե՞ց ապրել այնպես, ինչպե՛ս ապրում էր վերադարձից առաջ:

Արդյո՞ք հայրը կարողացավ խաղաղությամբ ապրել եւ հաշտեցնել իր երկու որդիներին... Ոչինչ չգիտենք այդ մասին, սակայն գիտենք, որ այս առակի միջոցով արտահայտվում է մեղսագործ եւ սխալական մարդու զոջումն ու ապաշխարանքը. «Նա՛յր, մեղանչեցի երկնքի դեմ ու քո առաջ» (Ղուկ. ԺԵ. 18-19): Այն նկարագրում է նաեւ երկնային Նոր անսահման սերն ու անափ ներողամտությունը եւ ողորմածությունը Իր զավակների նկատմամբ:

ԻԱ. դարում ենք ապրում եւ այն մեզ այլ բան չի թելադրում, քան աղճատում ու հեռացում թե՛ Աստուծոյ եւ թե՛ մարդոց: Անառակ որդու մասին այս առակը մարդու՝ մեղքի գիտակցմանը հասնելու, զոջալու եւ ապաշխարելու նկարագրությունն է: Այսօր քաջ գիտակցելով մեր մեղանչականությունը՝ մերժում, չենք ընդունում մեր գործած սխալներն ու արարավոր արարքները:

Աստուծոյ հետեւելու կանոնը խարսխված է երկու սկզբունքի վրա. «Պիտի սիրես քո Տէր Աստուծոյն քո ամբողջ սրտով, քո ամբողջ հոգով ու քո ամբողջ մարմնով...» եւ երկրորդը սրա նման է. «պիտի սիրես քո ընկերոջը, ինչպե՛ս քո անձը» (Մատթ. ԻԲ. 37-39): Դարավորի առական հետագայում տեսնում ենք արդարության նույն բանաձեւումը (Ղուկ. ԺԸ. 12):

Իսկ ի՞նչ ենք անում մենք... այդ բանաձեւման բացակայության պարճառով չէ՞ն մեր թերացումները, անկումները, անհանդուրժողականությունը, ժխտողականությունը՝ լինեն փնտրեական ոլորտում, հանրային կյանքի հարաբերություններում, իրավական դաշտում: Նանրային կյանքում մեր գիտակցությունը պետք է հիմնված լինի չորս կարևոր արժեքների վրա՝ արդարություն, ճշմարտություն, իրավունք եւ պարտականություն: Անառակ որդու առակն իրավունքի շեփոհարումն ու փողահարումն է: Արդարության ու պարասխանաբանության վերականգնումն ի վերջո հանգեցրեց նրան, որ ընդանիքն ապրի հաշտության եւ խաղաղության մեջ:

Նենց այդ նույն զավակի նկարագիրն ունենալու պարճառով Ասրված մեզ կանչում է դադարի, մի պահ մտածելու՝ լինի դա առարության, ուրախության ժամանակ, թե ամենադժվար պահին. մենք հրավեր ունենք լինելու ու ապրելու ասրվածային ճշմարտությունների լույսի ներքո, որը կապահովի մեր վերադարձը դեպի մեր հայրական տուն՝ լինել Ասրծո առջև հավաքարիմ եւ մարդկանց հանդեպ սիրով: Յուրաքանչյուրս անառակ որդի ենք, կորուսյալ զավակներ ենք մինչեւ այն պահը, երբ գիտակցաբար կասենք. «Նայր, մեղք գործեցի բո ու երկնքի առջև»: Թող մեր քառասնօրյա ճամփորդությունը դեպի Սուրբ Նարության հաղթանակը մեզ միայն ու միայն վերադարձի մասին հիշեցնի, արքայության եւ մեր պարասխանաբանության, ճշմարտությունը խոսելու եւ մեր պարտականությունը կարարելու մասին հիշեցնի: Թող Ասրված լցնի մեր կյանքը խաղաղությամբ, մեզ շնոհի ու պարգևի Իր ներկայության երջանկությունը, երբ մեզ իբրեւ Նայր կասի. «Մեռած էիր, կենդանացար, կորած էիր եւ գրնվեցիր» (Ղուկ. ԺԵ. 24). ամեն: